


荆溪外紀

卷之八至
卷之十三

絲



漢	九	類
書	一〇九	
門	一〇九	
	五	
	四	
	三	
	八	
	冊	

內	關	文	庫
漢			
書			
類	號	冊	架

內閣文庫	
番號	漢 9095
冊數	8 (3)
函號	292 30



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



荆溪外紀卷之八

淺草文庫




邑人楚山沈敕編輯
真州雲壁李文校正

七言古風

懷金鷲山人沈師魯

盧仝唐人



君愛煉藥藥欲成我愛煉骨骨已清
試自比較得仙者也
應合得天上行天門九重高崔嵬
青空鑿出黃金堆夜叉守門晝不啓
半夜醮祭半夜開夜叉喜歡動關鎖
鎖門掬地生風雷地上禽獸重血食
性命血化飛黃埃太上道君蓮花臺
九門隔濶安在哉嗚呼沈君大藥成
無須巧會鬼

神情無貪長生喪厥生

君家山頭松樹風適來入我竹林裏一片新茶破鼻香請
君速來助我喜莫合九轉大還丹莫讀三十六部大洞經
間來共我說真意齒下領取真長生不須服藥求神仙神
仙意智或偶然自古聖賢放入土淮南雞犬驅上天白日
上昇應不惡藥成且輒一丸藥暫時上天少問天地頭蝎
尾誰安着

次張秉道韻

蘇軾 宋人

荆溪老父愁三害下斬長蛟本無賴平生倔強韓退之文
字猶爲鱷魚戒石門之後萬金耳首鼠不爲吾已隘江湖

開塞古有數兩鵠飛來告成壤勸農使者非常人一言已
破黎民駭上饒使君更超逸坐晚浮山如累塊髯張乃我
結襪生詩酒淋漓出狂恠我作水衡生作丞他日歸朝同
此拜

南山虎爲周平西賦

劉宰

將軍古廟荆溪側倒影南山浸溪碧英風凜凜照人寒白
面驅除不留跡菸菟價種一已多二十六輩如渠何揚揚
當路擇人肉白晝掉尾森如戈令君勇欲去民害呪虎能
令虎知罪殺人還自殺人知食肉寢皮真一快莫令餘孽
猶渡江道塗彼此成康莊誰云三十一虎死更有真虎中

潛藏嗚呼令君之德真可紀彼苛政者願有此

哀毘陵

梁棟

荆溪水腥泊船早落日無人行古道觸髓有眼不識春東
風吹出青青草荒基猶認是人家敗柵曾將當城堡當時
歷境兵百萬不說韓尖堪蹴倒短兵相接逾四旬毒手尊
拳日攻討內儲外援兩清源一縷人心堅自保孤臣守土
輕性命赤子效死塗肝腦朝廷有爵愧降附幽壤無恩澤
枯槁願變司命錄英雄收拾忠魂昇寄昊

張公洞

楊維禎 元人

五月八日記遊仙三十六天洞靈洞洞中窓戶夜不扃地

底風雷日相哄嶢嶢靈骨誰手鑿納納虛舄曷時頌龍巔
虎卧絡薜蘿委蓋垂旃一作旌掛鸞鳳莖高玉屑陳金拌窪
陷瓊漿流碼笕元田鴉色白於鷗丹室蛇光紅似棘石涵
綠字紫泥封玄圃瓊華青子種白螺有迹蹋石田金虎無
聲飲銀汞樵柯已爛商四朋蒞輦初過茅二仲牛車望氣
待著書螺女行厨時進供胡麻留飯阮郎來林屋刺船毛
父通去聲或作通音洞過也玉生石髓隨手堅吳客求珠空耳縫九
靈太廟苞氣毋五岳貞圖特兒弄書傳丹篆爾何須石化
黃金本無用玉盆濯髮天雞鳴鍊笛穿空神馬鞚符行律
令鬼承呵聲出腦宮龍聽頌未應片石隔仙凡溪上桃花

白迎送

題荆南精舍圖

高啓 國朝

睢陽醉磨一斗墨，夢落荆南寫秋色。大陰垂雨尚淋漓，哀壑迴風更簫瑟。楓林思入煙霧清，湖水愁翻浪波白。溪上初逢野老航，山中忽見先生宅。秫田半頃連芋藍，茅屋三間倚蘿薛。翁來看竹乘小輿，客去尋山借高屐。任公釣臺石可坐，周侯祠前路曾識。虎跡時留暮苔紫，蛟氣或化秋雲黑。城郭何年別已久，風塵此日歸不得。月落書齋半壁明，畫圖卧對空相憶。

節婦吟為宜興姚大臨賦

城頭黑雲如壞屋，車走爭門折千軸。姚家新婦亦東逃，舅姑驚惶兒女嗥。自知數口難俱免，欲渡前溪舟尚遠。嚙夫棄妾當奉親，獨赴清流不愛身。此日誰能問南史，如婦曾書幾人死。

采茶詞

雷過溪山碧雲暖，幽鼓半吐槍旗短。銀釵女兒相應歌，筐中摘得誰最多。歸來清香猶在手，高品先將呈太守。竹爐新焙未得嘗，籠盛販與湖南商。山家不解種禾黍，衣食年年在春雨。

采茶

顧祿

山中昨夜雷鳴谷蓓蕾初生細如粟隣家女兒催曉粧結
伴采茶春始忙年年望此供門戶寧惜將身犯豺虎深林
絕壑到處過歸來競比誰得多可憐辛苦不得喫焙乾販
與湖南客

詠節婦

余詮

荆溪才子姚大臨有妻抱女江中湛時逢喪亂禍不測同
室同穴誠何心但悲緣盡亦良早夫婿無兒阿翁老萬死
雖云勝辱身何如骨肉能全保人生義盡刀劍前瞑目何
如苟活年丈夫愧爾姚家婦留得歌詩後世傳

題王允岡山齋

道衍 衲子

我生愛山如愛友坐對行看寧厭久別來數月走京塵遐
想煙窳寧愧負王君真爲我輩人孤標峻拔誰能倫買山
已喜在陽羨十築况復臨溪濱風來松響振幽谷雪後梅
花遶茅屋琴書列案可消憂花鳥隨時堪玩目舊聞陽羨
多名山蘇公願老於其間我欲依君共吟笑白石清泉盡
日閑

石亭梅花贈荆溪李公實

浦源

石亭聞道梅花發夜黑花繁似明月客中歲暮空坐思欲
往題詩嘆才拙人生看花須及時莫待東風作飛雪我今
狂呼李墨仙已共三百青銅錢拏舟便擬載酒去與君同

醉梅花邊視彼不樂徒茫然視彼不樂徒茫然

玉帶山

商良臣

國山之南將半里蒼巖峭拔凌空起幽花古木不計年崇
岡複嶺相環峙泉勢涓涓石脉踈乘流則行坎則止池中
瀦水數尺深膏停黛蓄何清泚招提翠巘高入雲玉帶盤
旋宛相似司空搆得自唐時千載於人如有缺我聞仁者
能樂山蒙巖厚重真堪擬况今秀氣鍾才賢接武登雲耀
青紫推恩錫誥照殊勳玉帶承傳猶未已

蜀山草堂

王晏

春山雨晴嵐翠青春溪兩岸花冥冥隨流蕩槩看山去花

間水狹船初停登登隈隩連回顧綠蘿垂壁依帶樹石
茶竈草堂閑雲深只有幽人住幽人長時喜客來山有野
藪清尊開酒醑歌呼林月出新詩一寫紛天才人間往往
趨名譽誰解致身蕭爽處君不見當年鄭子真躬耕亦似
尋常人

玉帶山莊為周伯昂賦

輞川別業空畫圖浣花草堂遺榛蕪迺來園林聞勝槩五
帶山莊并練湖山人隱居事無擾子孫耕耘愛亦少幽圃
疏泉築通茲方亭移石花重繞溪魚林果酒時甚客至題
詩復鼓琴白髮高哉雲壑志紅塵遠矣世途心

泛菴畫溪

沈周

長溪碧衍玉光淨樹夾兩岸俱倒映群峯樹杪髻螺出一
一隨行似相騰小舟貼水天上坐了見鬚眉落秋鏡溪當
比我懷尚澄地固不升遊亦勝舫歌偶爾及滄浪野鳥忽
飛魚忽采中流手洗白磁觥一勺分清空百病喜聞秋潔
轉澄瑩健在能尋不妨理

雷篆

在唐殿左州柱曰詩米黃謝鈞之已次在射
鈞把西北柱詩米黃其文俱倒書大可咫尺
非未非誤相傳以為
雷神之名不可曉也

化宮突兀誇昆盧萬山中抱金銀匝天雷標題示神書
柱以鎮東西隅十有三字三柱俱監臨之嚴水火賊

屢過靈光孤詫怪憑虛看倒書非神豈可人為乎但篆而
分勁而矚驗知火筆侵木膚波戈深入文焦枯字雖可辨
義莫喻故留隱語驚凡愚千年奇迹見搨本見之始信聞
疑誣雷乎設此護佛法佛法永永扶 皇圖

賦留善權寺夾道古松

善權破寺山木空夾道且喜餘千松如留鬚眉頭却童問
何能爾獨蒙赦斤斧垂禍因人容當時山荒稅苦重僧坐
無補逃饑凶里胥槌門督賣此一轉眼頃看屠龍陳君告
母事何忍失此壯觀寺益窮老慈喻子合贖取未任布施
祈陰功樹之難大必歲月財之易往惟雲風君能輸銀凡

九鑑重價非與銖兩同甘棠不伐感召伯老楮可宥由蘇
公松今復命壽莫算假壽報母天亦從

題石田畫卷寄沈時暢發山居佳興

吳寬

松林晝靜人獨行隔林似聽吾伊聲春山滿眼發蒼潤知
是山中初雨晴我愛荆溪溪上路路統長松千萬樹太湖
蕩漾映高門此是荆溪最佳處何人能棄冠裳歸只向湖
邊覓詩句便欲從之未有期清夢時時此中去石田高士
卧東林故寫長圖慰我心封題却附湖船上只恐雲深無
處尋

次鮑菴題石田畫卷韻

李傑

掛冠忽作山林行山深林密無人聲杖藜日日恣遊覽高
興寧論陰與晴川上石梁連古路夾路奇花雜嘉樹香霧
濛濛昏畫谿彷彿桃源最佳處身閒不任把國憂吟苦常
追杜陵句憶昔與君同薦書惆悵我來君已去何當訪舊
到山林共倒清尊話夙心仙家只在雲霞裡疊嶂層巒未
易尋

善權洞

芙蓉峯頭石扇開神樵鑿破蒼雲堆豁訝洞天闕元氣地
底逞逞驚風雷青叢翠蔓絡巖石日光倒射金銀臺玉雅

翻飛石燕舞琴床丹白空莓苔沉沉一穴窈莫測俯身下
瞰生疑猜仙人狡猾多幻化以此隔絕凡縱來其中當別
有天地山水瑩淨無氛埃絳節羽旌紛婀娜闔風玄圃通
蓬萊蒙巖居士好竒者藜杖縱遊知幾回洞口桃花自迎
送洞中猿鶴相追陪有時呼出偓佺輩携手共酌瑤華杯
長生秘訣倘傳得靈境日月堪徘徊

遊善權寺見王超畫

邵珪

樓閣巖巖倚天起萬頃白雲如潑水神物蜿蜒地有靈還
謝山中僧作主僧家功業滿大千水月松風淨如洗掃除
熱惱是清涼亦有莊嚴供畫史畫史風流摩詰孫可惜苦

心今老死茗甌香炷坐西堂吟洒墨花香滿紙

遊陽羨善權山洞

趙寬

羊腸十里行崔嵬雲梯插天飛鳥回稜層歷盡得瀨洞渠
渠廈屋山之隈坤維地軸獻形勢此境豈由人力開穹門
千尋足煙霧繡壁萬古留莓苔粟生毛孔峭寒襲膏潤衣
裳空翠來其中深遠不可極人云有路通蓬萊一柱高擎
直如砥柱國不復憂天摧神扁鬼鑰幽且暗欲入不得心
徘徊翻身下瞰轉佳絕變態異狀紛難裁何年公輸操斧
鑿鑿出巖穴成樓臺攀枯挂滑仄雙足力倦未覺心神灰
膏露如珠四時滴澗泉界道流縈迴堂坳琮琤響浮磬石

罅瀆激轟晴雷仙人古榻可盤礴解襟顧景傾餘杯平生
愛山真成癖頻年世路嬰塵埃茲遊信矣愜所願况復良
友相追陪登臨未已日云暮百鳥歸樹玄猿哀青鞋布襪
難再得物役擾擾何為哉

游龍池山

吳儼

白石齒齒泉淙淙道周灑灑松風涼登高眺遠竟日適但
覺天際飛雲忙人言龍池在絕頂下通海眼深莫量萬壑
陰森無六月一雨滂沱周四方去龍怒祭不潔旱熯赤
日徒焚厄至今民饑未粒食草根木實充餓糧我聞此語
重太息妄誕欺世誰所倡神龍不藏一斛水老魅或憑千

丈岡腥風恠雨變倏忽村童野婦驚彷徨自來天旱木
旱沴氣能致和氣傷不然江南數千里赤地豈盡龍之勢
安得田家數桔槔涸取見底沙塵揚祗留蛙黽助魚鼓更
植菱苴滋馨香作詩為破千古惑立馬不發留斜陽

請少師李賓之篆泚練莊額

澄澄溪水堪泚練溪名昔見留詩卷練作泚兮孰倡之由
作放利終多怨浣紗人去石猶存濯錦江空月長戀何獨
此溪名亦忘知是鄉音訛以變神稱豁口甘受誣山號小
姑真戲嫚流水無心較是非練耶泚耶誰復辨我願溪頭
盡種桑閨中織作常無倦月夜機絲映碧流霜天砧杵鳴

深院比屋祁寒無怨咨厥籠玄黃有餘羨溪還舊名實不
慚猶恐鄉人傳未遍為請大書懸小莊坐令有目皆能見

泝練溪為吳寧菴賦

李東陽

練溪之水光如練練溪之詩清滿卷泝泝真成水上文機
梭不作江南怨靜餘雙耳間能洗坐愛一清差可戀不問
莊生藥玉龜羞隨墨子悲絲變何須火浣銷塵垢却笑愚
神蒙詆慢里名勝母車當迴獸有刑天宇須辭卧遊久矣
讓君曾聽說灑然醒我倦虛舟有意空江海繭足無由出
庭院敢謂曲江非鑑湖即看湘浦同陽羨舊號新名次第
更前堂後圃書題遍莫欺我不識江南已向玄暉句中見

張洞紀遊

杭淮

重遊名山三月暮雜花洞口春溟濛捫蘿累足入地底逸
思飄然凌太空舉頭顛崖若覆蓋瓊脂玉乳懸玲瓏危臺
百尺俯幽奧疑與玄圃滄溟通中有石笋起撐突傍覺巨
象駝蒙茸煙雲氤氳不出戶時有石燕飛空中蟠拏又如
伏虎豹踴躍或似舞蛟龍千態萬狀接不暇吐舌駭此造
化工眼無廬山瀑布泉暗滴石上時淙淙把炬搜竒更深
入日午重關掩瞳矐手撫石牀蹴丹田恍聞玉女歌仙童
丹田芝荒石牀冷至今脩鍊留遺蹤世上三十六洞天不
知誰為似張公吾生足跡半天下空聞海上有方蓬金銀

官闕拂紫煙綠窓玉樹生華風弱水三千不可渡求仙却
笑人匆匆不如騎鹿訪茲山蒼崖咫尺非難從爲語同袍
二三子解脫還應早擊蒙白日飛昇未足問靈襟已覺煙
霞充憶昔遊時當少壯愧今蹉跎成老翁

題善權寺

張袞

寶刹陰森蒲墅前唐碑碣傳千年茗蕘金榜隔縹緲但
見野鳥啼荒煙東南勝地善權寺佛殿雷書古文字龍宮
靈異此幽藏炎天忽送風雷氣茲遊遐矚應心駭十丈青
松圍紫蓋愛此晴嵐坐石牀耳邊彷彿聞清籟颯颯迴風
山欲立探幽選勝愁日夕向我病僧啓玉函爲說前朝淚

橫臆

汲慧山泉煮陽羨新茶

杭濂

九龍谿訝吐珠沫大瓮深潭取清瀉長溪一夜短椀迴小
鳳金團煮春月銀鑷蟹眼浪不作松風引花浮白雪相如
乾吻如夏暍一酌天瓢甘露冽盧仝詩品陸羽經兩家風
度君獨擗我亦冷風起冽佳白鶴三山駕瑤闕

寓宜興看花

顧雲龍

荆溪之頭春滿園桃花李花相闌妍夜來風雨如相妬零
落韶華更可憐去年此日他鄉住今歲今朝仍客寄含愁
默默對花神故園桃李開猶未憶昔花間芳讌開良朋三

五賞花來狂歌洞酌竟長日但醉即眠花下苔今朝獨倚
花間樹只看春鳥鳴還戲去年今年在華過花落花開春
欲去聞道長安花更多何當躍馬花前過相逢或有荆溪
客為問荆溪花若何

荆溪外紀卷之八

荆溪外紀卷之九

邑人楚山沈敕編輯
真州雲壁李文校正

長短句

贈金鷲山人沈師魯

盧仝 唐人

金鷲山中客來到揚州市買藥牀頭一破顏撇然便有上
天意日月高掛玄關深金膏切碎肌骨異人皆食穀與五
味獨食黍和陰陽氣浩浩流珠走百關綿綿若存有深致
種玉不耕山外鑿非內粹儒關決文泉彰風雅因君不復
墜光不外照刃不磨迴避人間惡富貴三日四日五六日

盤礴化元搜萬類，晝飲與酣陶。天和夜話造微絕，精魅示
我插血不死方。賞我風格不肥膩，肉眼不識天上書。小儒
安敢窺奧秘，崑崙崙路隔西北。天三山復浮不着地，君到頭
上憶我時。金簡為吾鑄一字。

還山吟送沈四山人

高適

還山吟天高日暮寒，山深送君還。山識君心，人生老大須
恣意。看君解作一生事，山間偃仰無不至。石泉淙淙若風
雨，桂花松子常滿地。賣藥囊中應有錢，還山服藥又長年。
白雲勸盞杯中物，明月相隨何處眠。眠時憶問醒時意，夢
魂可以長周旋。

延陵季子

楊延秀

宋人

荆之溪兮澹以幽，惠之山兮雲伴思。君兮不見莽草木兮
條條，面兮吳兮東而坐，背朱方兮北卧。齊楚豈不強而大
兮，吾王以安賢於國，其無禪兮。不曰季子存而吳賀，彼情
者之儻言兮，謂垂亡於讓王，弗不承於考心兮。用五湖之
與三江祀，大伯其忽諸兮。顧龔譽於子臧，曾不知民無讓
而不立兮。自古皆有亡，諷岬岬與耜兮。疇莫知其重輕
若干乘，與簞食兮潔豐約而則明。迨躬逢而利快兮，亦幾
何而靡爭。謂吾札之不懿兮，札亦括受而茹聲。思復思兮，
君子乾坤毀而日月息，則君子之亦死。

漁父詞

趙孟頫 元人

儂住東湖震澤洲
煙波日日釣魚舟
山似翠酒如油
醉眠看山不自由

題荆南精舍圖

楊基

先生荆南客久住荆南地
荆南山水清且奇
綠玉芙蓉亂金翠
上有噓風嘯月之於菟
下有衝波激石之神魚
驚瀾怒濤不敢渡
青林欲上愁號呼
山人川嶽靈拂劍
睨九州蒼蛟授首白虎斃
丹崖碧水成安流
銅官聳西來歷歷青可數
騫如飛虬蟠飄如怒鯨舞
先生愛之不忍去
結屋溪南卧秋雨
溪南山色三千丈
正與茅堂屹相向
一箇青猿

霜外啼半規
明月松間上
先生居其中
日採澗底薇
讀書三十年
而無喜與悲
乾坤一變亂
飄泊不得歸
豈不懷故丘
夜夜夢見之
先生先生慎
勿憶爾之草堂
湖水百里遙
相望高山可梯水
可航何當賸買樽
中酒陽羨溪頭共晚涼

湖上吟

沈貞

悠悠湖中水不可窮
冥搜幽幽湖上山不能成
勝遊山水茫茫天盡頭
扶桑日漾紅玉毬
把酒臨風相勸酬
高吟大唱驚眠鷗
紫霞流光拍天浮
豪鳴鼉鼉舞蛟虬
龍伯國人持釣鈎
不肯浪中投
鳴夷子皮竊妻來不肯下扁舟
大笑

立湖邊欲知此意不半岸烏紗巾斜披紫雲裘秋風吹骨
寒颼颼塵片八極隘九州傲睨物表瞪雙眸狂呼李太白
捉月溯浪流喚取岑夫子復召元丹丘元氣未洩如覆甌
神仙有無不可求此即是蓬萊此即是瀛洲何須白玉京
五城十二樓胸中長虹爛不收胡爲自繫如楚囚莫學仲
尼栖栖魯莫作孟子區區鄒長笛一聲孤鶴橫秋與爾爭
洗萬斛之閒愁山幽幽水悠悠

湖上懷古

山蒼蒼水茫茫大雷小雷湖中央扁舟范蠡竊妻去遙望
姑蘇空斷腸一朝西兵遠來越胥門孤臣兩睛血卧薪嘗

膽啣冤人杖擊當知冤可雪五湖水五湖山五湖山水常
人間吳越興亡總塵土西施范蠡傳千古

題姚節婦

倪瓚

節婦復節婦處心良獨苦苟不義而生孰若義而死荆南
流水石齒齒寇辱形齟齬清泚妾身可死不可辱夫從父
生死携女婦兮婦兮死所安使我感激涕汎瀾古今出處
多射利委身事國爲貪奸瀛王易主意未殫身沒令名生
美官嗚呼史臣直筆古來少孤臣直節今尤艱

前題

遂初 補子

死有泰山重有輕如鴻毛吾觀金氏傳死節何其高吁哉

節婦繫風化處心如此獨賢勞三綱五常大居正汝脩史
臣良可褒用之邦國歌以謠

張公洞

馬治 國朝

嬾騎白鹿去不駕青龍車張公煉丹行九地路繞五嶽皆
空虛洞口當天門仰空亟崎嶇覆五山下秋聲早聞步松
風拾瑤草仙家知我携客來靈官夜掃煖香臺玉女迎人
酒一杯笑予不飲胡為哉石田熒熒太始雪丹竈温温萬
劫灰我欲照海底西觀小有天千迴萬轉翻疑慮有若止
我不得前不逢青驪翁長吟古苔篇錦屏璇室無塵影珠
宮玉堂仍自然何用鐵鎖高高懸洞中蕭蕭與天連與天

通相逶迤呼吸通神明來往安可期

游龍巖三洞之間贈東臯生

三十六洞何紛紛倦遊試拂龍巖雲龍巖之山昔所聞白
波中浮洞庭君混沌初離元氣分雷疾如崩電如焚從昔
金仙棲上方五丁斧鑿三石房供以百斛青霞漿惟留一
綈綈玉室映金堂銅官差我空復云乃有銅棺藏張公煉
丹處人去紫苔荒靈官玉女虛名耳青驪不歸已渺茫如
何龍巖三石房內猶肺腑閱腎腸間有尋丈魚見人化去
不可量水邊荏苒露牙角一日四海流滂滂我呼東臯生
下觀潛龍宅搏桑小燧飛入來照見乾坤與人隔世間日

月輕變遷我欲待子無為先後天而終道自然石上一愁
三十年

姚節婦

失身重可笑得死重可悲借問死為誰金姓姚臨妻出門
語夫城不守我死辟兵汝從舅舅在夫生父子全一門貞
孝事皆天吁嗟節婦誰不死之死千秋有流水水可竭山
可崩吁嗟節婦兮燁燁我義興

遊龍巖三洞之間

周砥

問顏紫芝久不採淮南丹書竟安在仙人勸我三洞遊身
如騎龍到東海海氣茫茫雲霧迴白波捲雪連山來雙童

手弄海底日紅光一道金蓮開瑤草綠可折瓊樹花冥冥
昔人煉丹丹竈在錦苔繡石光清熒雷行半空中逢逢擊
天鼓玉女鸞笙時下來前頭四足神魚舞醉拂珊瑚鞭玉
虎我欲因之窮洞府聞訪八公五雲裡為說蒼生受辛苦
不然飛出西華顛太極總仙之洞天安得周迴更二千直
與龍巖之洞相鈎連蓮花峯上重携手笑攬霞觴窺八埏

張公洞

儵忽鑿混沌茲事豈其餘不知幾何年云古仙人居嗟我
至此為之躊躇洞天諸宮宵兮異試命烈火燭空虛森森
恠石相對立如口欲語手欲拈前有紫翠房白雲閱丹書

鷹揚燕舞化爲石芝田久矣不復鉏可憐仙人常恍惚雖
欲相從已超越崑崙閩風吁太高時亦幽潛到巖窟青泥
爛爛浮土潤綠髓涓涓映山骨吾聞仙人不食而長生何
得有此鹽米之空名豈伊往來真戲耳簸弄物化令人驚
頗疑壺公壺樓閣中峰嶸摩尼珠色帝青色千竒百恠誰
所營須臾眼暗燭欲盡惟以拄杖相敲鏗松中濇濇呼我
出耳中微吟白玉笙竦身欲上不可登縋引魚貫相支撐
歸來此景若夢寐俛仰宇宙惟清明

荆溪送別

王晏

山雲白雲山青鴈聲正在溪邊聽衣冠送客歲云暮匆匆

欲行船尚停船停引杯緩歌長傷柳短柳短晴雪泊將攀
思猶懶酒酣舞劍春意回春風先動南枝梅京華到日倘
相憶遺我雙魚尺素來

題姚節婦

李信圭

黃塵滿城風瑟瑟白日無輝晝昏黑媿人抱女呱呱啼可
柰寇兵疾追迫妾身皎如練肯忍他人欺妾心堅如鐵寧
死終不移夫君淚揮別最苦捐生奮躍江之許天地難回
命一絲煙波長鎖愁千古亂離豺虎群相呼紅顏多少委
泥塗媿人令節真良圖嗚呼忠臣烈女何代無嗚呼忠臣
烈女何代無

前題

翟克讓

節婦世或有貞夫良獨難太湖之上荆南山中有世家姚
氏節婦居其間近時群寇逼城下長衢蹀躞多戎馬挈家
已復出荆南逐逐東行向原野前惟舅在途後携女與夫
賊勢窘迫將安趨身亦不可辱行亦不可虧遂致溺死臨
清渠婦抱女死夫與父還婦死夫活心始安婦死夫活節
始全願夫養親甘旨完願夫保身金石堅願夫千載奉祠
事子孫不絕長綿綿五湖之水清而旨繚以青山百餘里
水遠山長有盡時古來節婦名不已嗚呼五代季年衰且
窮馮道自稱長樂公我今見此顏為紅哀今之人將無同

國山城

劉震

隱隱蒙巖山葱瓏百尺蒼雲間白鶴青鸞相往還涓涓蒙
巖泉一泓漱石清冷然流作澄潭光浸天山可杖屨泉濯
纓此中方丈即蓬瀛世情過眼只長嘯朝是暮非焉足評
君不見國山城晉興隋廢真夢幻萋萋芳草春煙生

九斗壇

謝鐸

九峯山下龍所鍾九峯山上雲濛濛神光夜照清淨宮夢
魂直過仙壇東張水曹何桀黠同泰奴心怛怛隨車甘雨
山上來不救臺城夜深渴

贈荆溪沈行慎

李應禎

吁嗟乎中谷抱吾書以歸來兮于焉以讀谷之陽兮雲之
麓峯盤盤兮石如玉我居孔幽兮翳彼嘉木遐思故人兮
言紉其纘載詠載歌以悅我心白雲在天清風滿林世昧
昧以去古今禮樂散而莫尋探禹穴之杳杳兮望龍門之
高深林有鳥兮溪有魚爾飛爾潛兮我讀我書以卷以舒
樂哉弗諼兮山中之居

題吳友雲忠節

王鏊

真人起胡運墮滇南由葉鷗張何為武臣請師歿弗遺
皇仁如天兼愛之曰汝雲藥且平汝能與朕為陸生一使
功賢十萬兵藥胡獬圖反噬劫我使臣改推結使臣指心

向天誓首可斷服不可異中郎旄侍中血前有忠文後忠
節滇南萬里雙象設千秋萬古廟食不絕

送吳忠節孫鳳翔還宜興

杭淮

君為吾鄉忠節之子孫醞藉風流殊不群憶從尚書死滇
寇流落湖襄如綫存春來秋去復誰在衣饜食缺貧到身
太僕節義本天性李應禎辛苦持牒搜諸民吾師同聲有楚
相王文冕徧告官司給舟緡百年一日見故里田廬何有但
空村故老相持欲泣下幸今不作他鄉魂古來忠節亦云
罕一代吁嗟無數人巍然廟貌食滇土却與待制齊榮尊

王待制諱
亦死滇寇

天子思功錄其後豈必君身終賤貧君行且作買山計守
義俟命期振芬尚書墳拋應山縣春風寂寞吹荆榛君能
數鼓蕭湘舵岸藻汀蘭歲歲新

送吳老歸宜興

羅玘

遺金在道吾亦攫入朝爭名戰自惡胡爲徒手長安歸骨
瘦脰長如野鶴君不見饑鴟低飛啄腐鼠飽鳴人屋人射
女又不見鶴飛入層雲赤睛只只窺天文腹則饑眼獨飽
下栖舊林覺林小征西廟前是舊林鳳凰巢高喧百禽

遊張公洞

何棟

崑崙空同天之西高高不極與天齊時隨金母廣成子周
覽紫虛窮攀躋翻身復作洞天遊凌風飛墮陽羨溪溪邊
靈嶠七十二群仙欲借窟宅栖疾驅五雷鞭雙龍擘裂巖
洞開青猊玄臺秘宇分明見虛玄曠邈乾坤迷盤盤倒下
三千尺曲屈嵒磴接金梯大千寶藏開地底山靈呼號谷
神啼金莖直上玉筍倒垂琅玕鐘乳的皪拄支空青丹砂
熒爛葳蕤雪光錯落錦文亂黛色霏微蓮花披長風吹散
天帝朝寶幢羽蓋相追隨曉日照耀海若宮珊瑚水晶自
參差心駭目眩形神竦紅霧碧霞不可窺丹竈星星尚伏
火石田歷歷皆種芝金膏不流玉屑可炊龍性難羈鶴骨
本羸翻飛自便遨遊頗宜彷彿入紫清依稀登玉京雙童

宇中書屋
卷之九
綽約導前路忽遇玄元老子為我說長生靈文玉籙五千
字先天無為道自成


遊張公洞吟

顧可久

少時聞道經已慕洞天之仙靈欲窮冥筮豈辭遠况乃荆
溪春水生溪月照我舸飄飄倏已墮緣蘿直下不知幾千
尺浩蕩杳冥無不可初疑雷霆突地出霹靂撼擊勢僚慄
復似長風駕海來波濤洶湧聲喧飗摧巒蹶石籟發秘開
琅琊森戟歷下底金莖抵掌撐空頽青瑩珉玉交錯落阻
折梯磴互盤迴徑是石滑不可躋入幽深兮路轉迷囊括
日月吐納雲霓層巔倒墮臺壁峭齊奇形恠狀不能辯窺

鬼物撇捩熊羆呻悲上帝弭節而危坐玉女載旗而逶迤
陰宮丹竈火不滅籀文履迹留其遺吁嗟乎何物谷神發
此幽冥使我魄悸而魂驚憶昔居瑤京夢見玉女遺我金
蓮之紫莖玉爪搔背悚然骨輕云我謫世是伊後身金丹
玉液默授以經乃今所歷前言頗成吾將棄軒冕飲沆瀣
從此始兮遨遊太清

荆溪外紀卷之九



荆溪外紀卷之十

邑人楚山沈敕編輯
真州雲壁李文校正

歌

茶歌

盧仝 唐人

日高丈五睡正濃將軍扣門驚周公口傳諫議送書信白
絹斜封三道印開緘宛見諫議面首閱月團三百片聞道
新年入山裏蟻虫驚動春風起天子須嘗陽羨茶百草不
敢先開花仁風暗結珠蔕蕾先春抽出黃金芽摘鮮焙芳
旋封罌至精至好且不奢至尊之餘合王公何事便到山

人家柴門反關無俗客紗帽籠頭自煎喫碧雲引風吹不
斷白花浮光凝碗面一碗喉吻潤二碗破孤悶三碗搜枯
腸惟有文字五千卷四碗發輕汗平生不平事盡向毛孔
散五碗肌骨清六碗通仙靈七碗喫不得也唯覺兩腋習
習清風生蓬萊山在何處玉川子乘此清風欲歸去山上
群仙司下土地位清高隔風雨安知百萬億蒼生命墮顛
崖受辛苦便從諫議問蒼生到頭合得蘇息否

茶山貢焙歌

李郢

使君愛客情無已客在金臺價無比春風三月貢茶時盡
逐紅旌到山裡焙中清曉朱門開篋箱漸見新茶來凌煙

觸露不停採官家赤印連帖催朝飢暮匄誰與哀喧闐競
納不盈掬一時一餉還成堆蒸之馥之香勝梅研膏架動
轟如雷茶成拜表貢天子萬人爭噉春山摧駟騎鞭聲若
流電半夜驅夫誰復見十日王程路四千到時須及清明
宴吾君可謂納諫君諫官不諫何由聞九重城裡雖玉食
天涯吏役長紛紛使君憂民慘容色就焙嘗茶坐諸客幾
回到口重咨嗟嫩綠鮮芳出何力山中有酒亦有歌樂營
房戶皆仙娥仙房十隊酒百斛金絲宴饌隨經過使君是
日憂思多客亦無言徵綺羅殷勤統焙復長嘆官府例成
竟如何吳民吳民莫憔悴使民作相期蘓爾

陽羨春歌

陳克 宋人

石亭梅花落如積土
鰕爛斑竹姑赤祝陵有酒清若空煮
粳蒸魚作寒食長橋新晴好天氣
兩市兒郎櫂船戲溪頭
銑鼓狂殺儂青蓋紅裙偶相值
風光何處寂可憐邵家高樓
白日邊樓下遊人顏色喜
溪南黃帽應羞死三月未有
二月殘靈龜可信滄水乾
封草青青促歸去短簫橫笛說
明年

遊太湖歌

楊維禎 元人

鴟夷湖上水仙舟舟中仙人十二樓
桃花春水如天浮七十二黛吹落
點點凝青鷗道人謫世三千秋
手把一枝青

玉蚪東搏海日紅桑膠海風吹住吳王洲
吳王洲前校水戰水犀十萬如浮漚
水聲一夜入臺沼麋鹿已無臺上游
歌吳歎舞吳鉤招鴟夷兮狎陽侯樓船不須到蓬丘
西施鄭旦坐兩頭道人舟中吹鐵笛
仰看青天倒流商老人橘幾奕東方生
桃幾偷精衛塞海成甌窶海蕩邛山漂
髑骸胡為不飲生春愁

采茶歌

卓元墅

山之顛水之涯產靈草年年采摘當春早
製成雀舌龍鳳團題封進入幽燕道
黃旗閃閃方物來薦新趣上天顏開
海濱亦有間世才子旌不來無與媒
長年抱道栖蒿萊撚

髭吟盡江邊梅嗟哉人與草木異安得知賢若知味

湖山佳趣歌

李禎 國朝

半生甘作隱者流兩屐不到侯門遊老去高情付林壑閑
來樂事只漁舟春水泛花漾孤嶼杜衡蘼蕪滿脩渚晴樹
遠連江上村晚雲忽作溪南雨自憐身世兩悠悠濯纓濯
足忘吾憂萬鍾懸爵本非志一竿在手何所求門前學種
五株柳逸興雅懷到處有對客石牀撫古琴留客山瓢斟
濁酒年年歲歲適閑情皞皞熙熙度此生已無天上鷓鴣
夢且結湖邊鷗鳥情

萬松樓歌爲沈懋常題

卞榮

南遊陽羨里訪我沈夫子夫子好門墻高樓面山起山中
種松一萬株萬松名樓揭大書吾聞古有萬松閣若比此
樓良不如松風徐徐來翠濤滿樓響分明太湖三萬頃置
我樓中几席上松月皎皎出蒼煙淨無迹誰遺驪龍頷下
珠照我玉容如雪白初融空自鞭火龍烈焰不落清陰中
殷其雷在南山下螭龍何曾戰于野空花皆幻爾髯叟獨
蒼然與樓結好三千年星辰拂動蚪枝摘白雲招入鶴帳
眠長材直榦作棟梁夫子 勅賜尚書郎會封十八公吉
夢非尋常勸君多釀松花酒我欲登樓再獻崑崙觴笑拍
闌干醉一場

雲山圖歌為萬司理題

張弼

子居巷西我巷東朝回公退時過從忍持一盞索我寫云
是東臯之耕者東臯耕者我所聞高卧荆溪看白雲卧雲
看山山亦飽遠近高低隨手掃淋漓元氣真宰俱何曾苦
學高尚書松壑蘭汀遊茆舍群鷗時來鹿時下小舟入郭
買茶回只問近時柴米價却招張公洞裏老主人元是殮
霞服日之群真多種瑤草為養鶴大家淨洗世俗之紅塵

張公洞歌

王鏊

萬山環合中獨虛世傳中有神仙墟側身俯視驚恠吁老
眼不辨雲糝糊巉巖漸下勢漸舒石壇坡陀席可鋪恍如

身入佛老廬四壁洶湧青紅殊天吳紫鳳坼海圖鼉鼉矚
睽虎豹狙罽恩梁柱相拄扶靈官岌業高冠裾神媪相將
行步徐七寶眩耀穿浮屠石牀橫陳丹竈孤玄門有路忽
又無薛磴陟降我僕痛通明有穴尋歸途不知造化開關
初誰此鐫刻誰剜剜頗聞孫氏紀赤烏霹靂下劈山之隅
人世始得窺仙都又聞有路通太湖金庭玉柱辯禹貢自
慙骨凡氣濁桶欲往不得將何如欲往不得將何如

善權洞歌

湖汶有洞名張公天造偉麗非人功善權氣勢更若雄奔
流下瞰如驚虹洞門有地平且豐孤石湧起何龍蔥高崖

絕壁青復紅恍如身入天帝宮
幡幢寶蓋陳西東虺殲巨
象披蒙茸狡狴張吻吞豹熊
亭亭玉柱立當中銀山對峙
如屏風鹽堆突兀米廩崇仙
田粼粼水所鍾石梁交貫空
復空人言此去路莫窮東至
搏桑西崆峒我疑二洞俱仙
踪地下有路應潛通前堂後
宇相始終不然氣象胡乃同
靈山福地神所封嗟我欲往
將焉從嗟我欲往將焉從

擒虎歌

吳仕

嘉靖丙戌春侍御朱公按部義興澤生蘇枯患
化既淡弱竊搜奸閭里為靖維茲虎患猶未殄
息膏流血潰寔用興哀乃下令國中召獵徒懸
賞格戒將日期截厥類乃已於是山鬼效靈武
夫用命未旬殲玄豹一白額虎二相繼以獻
歡聲載道膏澤若流乃作是歌爰紀其實

銅官之陰離墨陽長林渺渺烟蒼蒼有虎負嶠莫敢當
白日攫人如驅羊女哭兒嚎聲四塞不聞村南與村北
月黑惟聞偃鬼啼山頭不見行人跡帝為震怒走律
令下召使者司天刑授之鈇鉞副弓矢從以雷電神
六丁維時帝命不容宿驅車直指荆南麓山搖嶽震
百靈悚雷厲風飛令行速大召獵徒懸賞格期以三
日虎必獲格外仍開贖罪科有能狩虎勿爾碎人思
效力爭向前踪跡虎所披雲煙戈戟如堵網四懸有
神若驅鬼為鞭倏忽爛斑出林薄長戈短刃紛揮霍
文章破碎膏血零聲威震蕩神光落昇向臺端前致
詞匪使君靈曷有之使君仰天答天祐維此天

功吾敢私立召獵徒相慰勸白粲金錢賞如願壯夫作氣
聲滿山一豹二虎相繼獻三害已驅六政脩使君恩澤沛
若流行將奏最 金門下應陟崇階撫十州

石亭歌

青天作障雲作屏超然中結水心亭金尊細滷篋簾綠湘
簾半捲芙蓉青長松亭亭十萬樹石骨纍纍太瘦生九霄
使者三楚英西來聲價何崢嶸黃鵠山中駕鶴仙青虬海
上釣鰲客五湖煙月在揮毫寧羨區區九州伯一朝令下
神鬼驚長蛇封豕潛無跡風清日永政多暇獨往山中訪
遺逸石亭西隔畫溪雲有客悠然會此心手挾銀潢飛百

人卧對香爐碧萬尋興來獨撫綠綺琴天風颯颯吹冠衿
仰天長嘯獲三嘆高山流水幾知音酒酣拔劍起欲舞千
山紅間萬山紫意氣逢君豈偶然宛奏簫韶諧角徵沿流
俯首拾飛觴月在珠宮天在水一聲殘磬萬籟凝四顧蒼
茫悄無語支頤覓句良亦苦不妨撚斷幾莖髭青驄入鞿
八語亂野燒無光林葉稀枕流嗽石真吾事浴日補天唯
爾爲雲山一會何由再從此相思減帶圍

滄溪歌

馬玄

薔薇開鷓鴣來燕嚙泥蒲葉齊蘭橈桂槳入迴溪溪上吳
姬白浣沙溪邊仙犬吠流霞雲深路杳知何處中有江南

季子家碧嵐漠漠銅官樹紅浪重重二九華彭澤新栽高
士柳青門學種故侯瓜已無空衙散鳴鳥只有歸舟隨乳
鴉季子來絃歌歇武城夜夜空明月釣絲獨抱滄溪頭白
袍皂帽思悠悠竹間初起辛夷館煙裡常眠杜若洲乘月
放船上天去隨風採蔣入雲流入雲流上天去隨處滄溪
隨處住青蘋歌芳白芷生采蓮渡頭春已暮筆牀茶竈極
天涯渠今盡識江南路江南路麗以妍鴛鴦何翩翩平蕪
渺千里日暖金沙鮮竹竿裊裊自年年何似搖珮承明前
君不見東坡先生曾買田

荆溪外紀卷之十

荆溪外紀卷之十一

邑人楚山沈敕編輯

真州雲壁李文校正

行

殺虎行 并序

劉宰 宋人

戊子巳丑間毘陵境內多虎患未有制之者宜
典趙大夫至未幾即空其患而旁邑之害亦以
是息漫塘劉宰聞而壯之爲
賦殺虎行以遺觀民風者

君不見宜興周將軍射殺南山白額虎千古萬古聲傳聞
又不見宜興趙大夫南山二十有六虎全行殺取無復餘
一虎昔何少二十六虎今何多虎多不爲患所患政之苛

苛政滅人門猛虎戕人命擇禍莫若輕泰山之人論已定
大夫性高明下令走風雨所知在田里了不見臺府既令
民免政之虎又與民除虎之苦四境之民歌且舞或云殺
虎太傷和何不令渠自渡河我聞此語笑且呵大夫憂民
憂豈必限吾土不然隣國以為壑信也白圭愈於禹古陽
羨今宜興大夫邑之主將軍邑之民主賓多寡事不同千
古萬古同清芬

父老行送鄒縣丞

王晏 國朝

春風輕春雨晴孝侯祠前溪水生桃花初紅柳初綠父老
慇懃來送行殷勤杖扶策父老言感激官長多賢明三載

今考績官長前年始下車教化吾民苛政除門靜鄉無叫
囂吏婦女育蠶男讀書官長今年朝闕去田辟荒蕪戶增
數利澤於人惠有餘往者紛紜奚足慕 玉殿承恩拜舞
回織成鸞誥錦文開京華得意看春色還作吾邦父母來
父老於時出郊野接官兒童騎竹馬

過客行贈陳卿兼簡張元寶

楚江懸帆幾千里路出周侯斬蛟渚停舟冒暑入荒城沒
沒何人越鄉語自言新下岳陽來袖有髯張書寄回以我
交情頗誠朴叮嚀親授柳菴開柳菴衡門市南陌喜識陳
卿乃佳客煮茶延坐致慇懃更為髯張問踪跡忽忽即別

不肯留出門重約當清秋經過却取平安字將去巴陵慰
客愁

直名丁曾東明在薛氏子實也七寸角尺再古
父去於却出收理封官與童醜竹無王宿多寡事不同
固難如鸞語論文開京華野意青春色影非吾非父母來
嫌休舉於入惠有餘封皆然云矣吳慕 正魏承恩拜
賢吏敬文育蓋與薛書官是今平博關去田報景燕云
今苦盡官是前平故下車禁外吾吳荷如斜明晴浪無

荆溪外紀卷之十二

邑人楚山沈敕編輯

真州雲壁李文校正

詞

菩薩蠻

蘇軾 宋人

買田陽羨吾將老從初只為溪山好來往一虎舟聊從造
物遊 有書仍懶著且謾歌歸去筋力不辭詩要須風
雨時

滿庭芳 并序

余居黃五年將赴臨汝作滿庭芳一篇別黃州
既至南都蒙恩放歸陽羨復作一篇

歸去來兮清溪無底上有千仞差峩畫樓東畔天遠夕陽
多老去君恩未報空回首彈鋏悲歌船頭轉長風萬里歸
馬駐平坡 無何何處是銀潢盡處天女停梭問何事
人間久戲風波顧謂同來穉子應爛汝腰下長柯青衫破
群仙笑我千縷掛烟蓑

鳳樓梧

州溪
寫景

山秀芙蓉溪明菴盡真遊洞穴滄波下臨風慨想斬蛟人
長橋千載猶橫跨 解珮投簪求田問舍黃雞白酒漁
樵社元龍非復少時豪耳根洗盡功名話

鷓鴣天

陽羨
競渡

陳克

柳外東風不滿旗青裾白面出疎籬
睽來打鼓儂吹笛催送兒郎踏浪飛
傾兩耳關雙螭家家春酒瀉尖泥儂
今已是滄浪客莫向尊前唱教池

浣溪沙

陽羨
上元

橋北橋南新雨晴柳邊花底暮雲輕
萬家燈火照溪明鳧鷖差池官事了
木山彩錯市人驚街頭酒賤唱歌聲

又

菴盡溪頭春水生銅官山外夕陽明
暖風無力小舟橫萬事悠悠生處熟
三杯兀兀醉時醒杏花楊柳更多情

好事近

石亭
探梅

尋遍石亭春點點暮山明滅竹外小溪深碧倚一枝寒月
淡雲疎雨苦無情得折便須折醉帽風鬟歸去有餘
香愁絕

千秋歲

壽吳大常

儲罐 國朝

老來供奉仙籍張公洞巾屨處溪山供流年看薦茗嘉節
添傳櫻和竹醉此君歲與生朝共 正洗金尊送江鶴
聞清弄更起舞樵爲仲素封非吏隱白髮無愁種稱壽罷
玉堂又獻長生頌

又

傅珪

蒲觴清晝又是懸弧候珠履集笙歌奏 皇恩日漸新味

萊恒如舊行樂處荆溪一棹春煙皺 梧竹森森茂庭

階翻彩袖醺旨酒介眉壽纔登七袞初直到千年後蓬島
上大郎夜夜瞻庚宿

水龍吟

溪行有感

吳儼

乾坤浩蕩無涯幾人獨立風塵表湟中得喪槐南富貴夢
魂空繞紅蓼灘頭黃蘆岸側漁煙斜裊問釣鰲公子舊磯
存否此去路應多少 記得扁舟來處見銅官一峯青
小洗頭玉女種芝丹客何時是了翠竹蒼梧清泉白石分
明蓬島又詩人才子賡歌疊和自堪怡老

臨江仙

憶予莊

我愛予莊風景好白沙翠竹柴門而今身落在塵樊冠裳
纏縛此意有誰言 翠壁丹崖千萬丈山靈未許扳援
何時投綬更高騫長松樹底石上聽啼猿

永遇樂

謝丁侯減稅功成

吳仕

心事水清才華錦美縣庭如水百里民瘼一緘封事宛轉
聞官裏九重

神聖維新治理飛下金雞一紙謂江南十州均賦豈應低
昂彼此 一日功成五湖恩被竹帛安能盡紀銅嶺我
我畫溪瀾瀾應與相流峙考求圖記二素輝映今得公為
三矣試看取萬戶歌聲千秋廟祀

漁家傲

送李晉卿令宜興

夏言

二十九年如一夢鹿鳴筵上笙歌動今日長安尊酒共遙
相送行春好醉張公洞 但得閭閻無疾痛莫辭枳棘
棲鸞鳳自古循良非小用須珍重他時為撰甘棠頌

風流子

詠玉陽洞天寄玉陽山人史恭甫

陽羨溪山好吾將老曾見昔賢心念此語空留買田未遂
桃源一別舊路難尋歎人生幾回王子棹都付伯牙琴那
似山人煙霞占斷洞天深隱高卧長吟 向僊臺佛窟
看紫煙斂散白日升沉時聽湍流激玉巖溜淙金更健步
堪遊底酒策杖直鉤可釣不用敲針何日扁舟瀉水獨訪

雲林

念奴嬌 詠玉女潭用東坡金陵詞韻

玉光閣上憑闌處下有蜿蜒神物窈窕洞天煙霧裏環鎖
千巖萬壁鳥埭雲間龍淵石峭虬峽濤翻雪山翁占斷江
左地靈人傑 凌虛臺上倚青冥碧樹滄洲遠興時時
發極目斜陽飛鳥外杳靄斷霞明滅縹緲亭邊回陽洞口
長嘯披玄髮玉梁倒影古潭冷浸秋月

荆溪外紀卷之十二

荆溪外紀卷之十三

邑人楚山沈敕編輯

真州雲壁李文校正

賦

長溪賦

謝靈運 六朝宋人

潭結綠而澄清瀨揚白而戴華飛急聲之琴汨散輕文之
漣羅始鏡底以如玉終積岸而成沙

震澤賦

朱伯賢 元人

客有鄒陽生號遠遊公子傲儻玫瑰超音拔偉衣白雲之
翩翩我危冠之鞞鞞神怳怳以欲逸風飄飄而凝佇於是

上會稽探禹穴訪遺踪超洞壑輶車前驅輜重紛錯王子
進之以笙鶴江令贈之以勺藥邈乃揚颿錢塘鼓柁中吳
將欲窮覽山川壯遊江湖造松陵主人而驩然從予主人
曰子號歷覽亦嘗聞澤藪之大有三萬六千頃者乎生曰
未也可得而聞與主人曰唯唯夏后震澤周曰具區下屬
三江寔爲五湖右接天目宣嶺出溪之原左通松婁中江
入海之如衆流之委群利之儲茗溪出其南溧水經其西
五灣豬其東垂虹界其隄流甘泉之清液隱雪灘於北隈
洞庭中起林屋天開渺彭蠡吞雲夢駕雷夏軼孟豬杳不
知其幾千里之爲遠疇能計之三萬頃而有餘其澤則汪

漑

音滄

汗洶湧潏潏瀾漫泮渙渙沄沄流颿吹波結

絡龍鱗日光玉潔澄沆氤溫清瀾凝綺錦花成文浪濤噴

瀆澎湃

音宏出雷騰虹蒸雨生雲呼吸陰陽吞吐乾坤

如潮汐之不測或早莫

音暮

而異觀飛揚蕩薄迅濩

淪千態萬狀不可殫論其藪則碧沙曼衍黃石武夫莎薛

蕪葭白頰

音頰

青蒲荇芹蘊藻芡菰荻蘆蔓菁杜若

靡蕪芡實鷄頭草長龍湏

音湏

芡荷翠沃蓮藕芡專

居之何可勝圖其土埂則塗泥微露埤濕就乾歲薪蘆蒿

菹芷蘅蘭菖蒲馬荔荃蓀射干汚楊絮白水柳葉丹蘋蓼

早綠榆楓莫殷朱橘火齊黃甘金九連枝並秀駢集乎其

間爾乃周流梗槩溥覽闡斑兩兩相峙鬱乎崇山其山則
層巒崑崙疊嶂嶙峋岑欹參差如陵如墳崔嵬猶萃陂陁
糾紛上拔仞岡下臨湄濱控地軸以磅礴逐水曲而折旋
馬跡屹立以巖巖翠峯峻拔以盤桓戛浮雲之流景俯蛟
龍之深淵空谷谿衍以無底磴道宛蜒而相連其中乃有
奉真之祠供佛之堂琳宮道館梵宇禪房煙雲繚繞金碧
焜煌黃冠緇衣往來而尚羊談玄讚空學幻言唵或高堂
以須玄或擊鮮而稱觴駕白魚之飛艎泝重湫之流光水
產刊粘蠓旋螺土蛤石花鮓鱧鯽鯪鯪鯪鯪鯪鯪鯪鯪鯪鯪
積尾之魴細鱗之鱸紫甲之蝦稻蟬盈只巨鼉專車長蛟

潜鱷同空龜靈鼉周游涵泳其樂無涯羽禽則晨鷓莊鷄
鵲鶴鳧鷺交無鴟音保鷓鷄鷓鷄群鴻來賓陽鳥攸居駕
鷺遠舉鷗鷺忘機王睢並鷺屬玉交飛振翮刷羽以敖音
以嬉來如雲集去如烟晞若乃絕岸之濱漸水之石或伏
或倚或卧或立或方如珪或圓如璧或轟如峯巒或平若
几席或滑若胠肪或廉若劍戟或赭而赤或蒼而碧或縞
如玉或黝如漆為中流之底柱若逆河之碣石恠恠竒竒
熒熒爍爍斯又天造之神工而出於茲水之蕩激也思昔
夫差競霸圖勳麋戰於此勝負未分旌旗蔽空舴艋如雲
始魚鱉以為樂終麋鹿而成群迺若歸釣之徒著書之士

去國鴟夷泛舟西子亦復渺渺滄波茫茫白水主人之辭
未終鄒陽生肅乎改容喟然而嘆曰甚矣世道逾下而人
心之不古也吾子好學頗識典策不述職方之經邦而盛
稱茲澤之庶殖不思禹蹟之胼胝而徒嘆英賢於戰國皆
非所以極遊覽之願望而擴夫五性之至德也遐思往古
擊節太息請誦主人所聞而陳予所得嗚呼噫嘻浩蕩之
方割懷襄未平九域混而莫辨百潦壅而不行支祁崛起
於淮甸天吳披褐於海溟時維茲水震蕩靡寧浮浮洶洶
若若轟轟疑撼天而動地猶駕雷而鞭霆類不周觸而天
柱折若巨鼇扑而洲島傾斯震之澤所以錫名也迨夫九

載既南庶土交正波神受職川后奉令應龍畫地以效功
庚辰持戟而制命導吳淞以安流別淮海而表境于時澤
安其所水順其性鳴者自停動者自靜斯震之澤所以底
定也千載而下美哉禹功昏墊之害既遠灌輸之利無窮
故漁人舟子之出入豪商薄宦之經從擊楫鼓浪引帆隨
風莫不連檣接觸往來乎其中斯又具區之藪以萬民惟
正之供也方今海宇清明朝廷靜謐內宣民化外脩貢職
農安其耕女效其織工業其習商估其直士守遺經民食
餘力風不揚波水不濫決方鎮以寧土地墾辟開禹之
疆廣禹之績是以九州之外咸仰聖育沾濡乎仁義涵泳

乎道德浹洽恩波沐浴膏澤漸磨浸潤流衍洋溢天無亢
燥之灾人樂沃土之俗試言其故則辟雍湯湯音傷聖化行
矣靈沼洋洋聖澤汪矣御溝溶溶生意茫矣溥德川流達
要荒矣下視一隅寧不溢杯水於坳堂矣主人於是聳乎
樂聞憮然自失仰神功之長存慨餘子其何益相與鼓枻
乎滄浪曾不蒂芥于胸臆迺起為詩歌以頌德詩曰於赫
禹功配天比隆生我遺氓宅我土中原隰昫昫江漢為東
萬世永賴惟禹功是崇於皇禹德立我民極手胼足胝救
焚拯溺鑿井而飲耕田而食靡謝天功焉知帝力於昭太
上示民以應眷佑我皇與民立命開禹疆土繼禹作聖其

混合四大惟民之正於穆聖皇上帝不常敬哉有土豐豐
弗敢康五嶽四瀆七澤九岡罔不脩其職來享來王受天
之祐於萬斯年睠我有土有土有民有子有孫有引勿替
以頌茲文

荆溪賦

李東陽

宜興荆溪之勝予聞諸徐文靖公舊矣吳禮部克溫世居
其上為予道之尤詳請賦焉乃作賦曰有溪來自東南兮
勢奔騰而蜿蜒界甸服以為中江兮稱義興之名川上源
出於蕪湖兮下通流於震澤乃雲雨之是興兮亦蛟龍之
攸宅歷松江以入海兮渺不知其所極棹蘭舟而遐鶩兮

與群山而逶迤盡屏爛其前陳兮錦帳紛其後隨樓閣倒
景於空青兮沙石分明而陸離彼魚與鳥其何心兮亦水
沫而雲飛惟夫君之好脩兮稟坤輿之清淑鍾世澤於名
門兮廕嘉林於喬木泓一鑑以爲池兮結重茅以爲屋朝
擘秀於山巔兮暮攀芳乎水曲抱經濟以用世兮出觀光
於兩都躡瀛海之高蹤兮覽長江之壯圖歎墨突之不得
黔兮念陶園之將蕪列魁象於三台兮寄高情於五湖予
養癖於林泉兮每探竒而索奧考茲地於山經兮恨不高
飛而遠到重文靖之盟言兮亦惟斯人之爲好慕楚頌之
遺風兮矧蜀山之惟肖孰使溪之名荆兮復洞庭之是號

豈不懷乎三湘兮莽風濤之浩浩楚人聚而咻之兮功垂
成而不告歲忽忽其屢更兮意惘惘而莫宣時寐往而寤
來兮宛茲溪之在前吾將採石髓於神山兮尋勝景於桃
源佇飛舄於王喬兮遡歸槎於張騫雲幢霧節不可以久
駐兮恍若送乎登仙荆溪主人聞而歌曰予之溪兮故鄉
予之莊兮此堂抱予甕兮水傍泚兮練兮中央進則用兮
退有藏參吾道乎相與翱翔招美人兮不來渺予懷兮天
一方予亦從而和曰荆之溪兮孰使爲清荆之山兮孰使
爲靈人與地而俱佳兮文與獻而俱徵彼信美而非吾土
兮悵無樓之可登感妙思於吳歌兮託騷辭於楚聲

義莊賦

抗濂

汎清溪之縈迴兮歷衆山之逶迤攬古城之秀異兮翼高
亭其中峙鄉人指以予告曰是莊之義起也於大塊之爲
生兮均一始而肇之日既逝而源遠兮聿岐路之攸昭恒
仁人之斯憫兮獨意德之胥靡曰厚先之是尚兮茲故莊
之所以爲義也繫柏翳之嘉祐兮振遐躅於南州赫瓊厓
之美績兮偉子孫其承休維相君之茂碩兮天寔於是昌
之由

先皇既隆寵兮極

今后而殊私羗百揆之脩能兮獨斯陟之克階剡堅百神

聿其予歸兮五氣默以孚持膺命錫之既多兮獨燕滯予
何心苟吾宗之或蹶兮顧先罰其何任繚垣構以百棟兮
高腴麗乎千畝相厥方於城陽兮爰嘉勳以茲啓曰兒相
其爾能兮獨吾埶于事事維印志于爾心兮歲檢悉乎攸
利冬爾裘以饑黍兮女爾歸而男娶安其藏以爾阜兮明
其業以爾誨爾墮吾之尤兮爾私吾之戾爰歲累之難飢
兮羗百口之偕安雖䟽幽之蹇澗兮亦容與乎清湍昔先
君之斯服兮莽身終乎莫致惟小子之克成兮獨深承乎
帝賚伊報稱之若爲兮期犬馬之殫瘁猶時曠以情渝兮
懼弗長乎攸緒上告

帝以永矢兮惟

帝威之允賴

帝惟爾之攸忱兮胡重惜乎予昇於乎昔親親之有訓兮
曠百禩而胥違猗仲淹之盛美兮千載致邦人思伊相君
之媿隆兮遐不敬仰於同時予博觀乎茲世兮斯義之罔
攸知借蹇愔以稅駕兮惟豐利之交馳妻子獨飫棄乎甘
腴兮視粵秦其兄弟胡余身之爾殊兮獨不念乎宗禰操
觚瓢而溝壑兮遐不惜乎誰氏惟相君之阜仁兮允神人
之昭旁獨去此而紹徽兮聿彌遠而彌光亂曰家之祉兮
非或然乎天也仁之相兮獨不祈而然也羗爾存之孔厚

兮爰百祀而賢也

楚山賦有序

李文

伊年孟春李子發自江門將探禹穴緬泰伯之遺墟奄
延陵之故里濯纓震澤放舟荆溪竊高子隱之風尚締
蘇公之跡方皇周覽至于楚山其山蓋陽羨之奧區也
爰有賢良沈子別業其間因以自號李子迺請與之遊
自煙霞草樹之餘有方志山經所逸者於是作賦紀之
以風乎沈子之志雖其措饒罔銓然亦攬摭其事矣覽
者可以諒焉其辭曰

維荆南之有楚岫兮閩

字

吳越

以函三奠其區之西表

兮余望之而水耽儵音儵蜿蜒其逶迤兮亦峻嶒音宗而薛
菓音洩右掖君峯以下厭兮左映洞庭而上參揜芙蓉而
競脩姱兮引離壘以接天姥毓香蘭而發葱蒨兮嵐繞銅
官而泉通玉潭測玄圖呂隼之星土兮寔孕靈于瀕女緬
翠微而擊音其朝隋兮將獻秀于斗南亘穹窿巨公音賦戲
月兮思黃虞之斧畫粵鴻濛之有此麗因兮老何羨夫蠶
魚鳧之所談仰融春之開薈蔚兮奉音余踪之戾止思
夜音日窺窳窳音兮捫高雲之可採跨蒼虬之徐音舒音
今訝長松之偃蹇紛翠篠之娟媚音兮彼美蕭之交加
守雲霞而蚪音螺音兮愛畫藤之遶膝臨丹壑而緜爛兮

見靈藥之吐華噴龍頷之清冷兮望岵嶇泉于峭壁蒸儻
鼎之藪音芝兮飛洞鄉于彩霞消余暘之灑音兮音得
虎跑之舊次粲女指之柔莢兮采鳳團之早芽儵開藹音威
而染卉兮拾菁英于荏苒况躡音蠶而跂鳳兮詫礪音雷音畏
之紛挐音惟鴛音黃楚雀之啄啄兮交翠柯而靚語羨磨音君
麋音麋父之齧齧兮狎清泠音而啖夫錦葩維余愛此
谷口之艷音兮悵子真之高蹈漸九磐而托丕構兮結
千仞之書巢葺皇墳之灑音兮秘丘索呂充棟參處姬于
上下兮亂陰陽之兩爻飄凌雲之爽氣兮習子虛之美諷
捐下風之埃音兮笑玄文之解嘲瑣宿霧之溟濛兮抱

字郵書至

列卷八卷武

驪珠而歎炤埃曉日干瞳矐兮齊鳳威之九苞葆汝貞于
珉璞兮芙蓉暎輝之藉甚授余几而烏皮兮矧德音之孔
膠濯清風于斗筭兮忽明月之尊俎惠彼美之紉蘭兮感
余生之繫匏數青峯于江上兮履蕭艾之湫底耻闕觀于
夏歷兮慨浮雲之久迷登臨之未宴兮屬羲和之弭節
願方駕而連袂兮命奚仲而埽蹊歷翠微巨壑與兮攀
壓音儀巖音儀之玄宇俯寥廓之四荒兮望瘡痍之遠黎獻陽
靈而永南離之炤兮調紫微之玉燭出崦嵫而霈西郊之
雨兮請策夫茲山之蹇霓罷孫登之清嘯兮盥嵇生之僻
養謝七發之汗漫兮陟三俊之不釐余試解子之猿鶴兮

仆北山之巔巔有媧皇五色之天柱兮盍捫參歷井而洪
躋亂曰陟崔嵬之縹緲兮懋好脩之宵窈兮掇煙霞而食
潛壑兮余既已知握椒蘭與芬蒨兮薰緇袍之表兮聊與
子而盟兮白駒之不可終攸兮

